

Powšitkowne WOZJEWJENJA

njedźelu, 21. julija 2019

Putnicy do Krupki zetkaja so tutu njedźelu

Putnikowanje do Krupki budže wot njedźele, 28. julija, do pjatka, 2. awgusta. Duchowny přewod změje farar dr. Daniel Dzikiewicz. Zhromadźizna putnikow, kiž je za wšitkich zawjazaca, wotměje so tutu njedźelu, 21. julija, w Chrósćicach po nyšporje, kotryž započnje so w 14 hodź. Farar dr. Dzikiewicz prosy putnikow, zo bychu sej k přihotej Knihu Tobit ze Stareho zakonja přečitali a w interneće film „Stalker“ wot Andreja Tarkowskeho z lěta 1979 wobhladali. Putniska Boža mša w Krupce budže srjedu, 31. julija, dopołnja w 10 hodź.

Swjata spowědź w Róžeńće

Wšitcy, kotřiž chcyli porciunkulski wotpusk dobyć, maja mjez druhim w Róžeńće skła-dnosť, sakrament swjateje spowědže přijec, a to sobotu, 3. awgusta, wot 17 do 18 hodź. Spowědnicy budu fararjo Michał Anders, Ščěpan Delan, Beno Jakubaš a dr. Daniel Dzikiewicz.

Z busom do Krupki kemši

Na putniku Božu mšu srjedu, 31. julija, w 10 hodź. w Krupce pojedže zaso bus. Štóž chcył sobu jec, měł so najpozdžišo hač do pónđzele, 22. julija, w Šmitec wozy-dłownistwje w Radworju přizjewić, telefonowe čisło (03 59 35) 28 60.

Spěwny wječor na Kukowskim hrodźišću

Młodostnych a wšitkich zajimcow přeprašujemy na spěwny wječor, kotryž zahaji so pjatk, 9. awgusta, w 19.00 hodź. na Kukowskim hrodźišću. Při tym móža wšitcy nowy młodžinski spěwnik „Na puć z nami“ zeznać a při lěhwowym wohenju spěwać, hudzić a Boha chwalić. Wjeselimo so na was! *Dekanatne dušepastyrstwo za młodžinu*

Swobodne džělowe městno w Domje swjateho Jana

Za hladanje a spěchowanje čłowjekow ze zbrašenjom pytaja w Domje swjateho Jana w Smječkecach fachowu móc w hladanskej službje. Městno ma so 1. septembra 2019 we wobłuku 30 hodźin wob tydžeń wobsadzić. Nadrobniše informacije k žadanjam na městno, k džělowemu wobłukej a tarifowym postajenjam namakaja zajimcy na internetowej stronje www.christliches-sozialwerk-ggmbh.de. Pisomne požadanja njech pósćelu zajimcy prošu na: CSW – Křesćanski socialny skutk ptzwr, Dom swjateho Jana, nawodže knjezej Markej Klimanej, Janska kupjel 1, 01920 Smječkecy.

Domowina poskića džělowe městna

W zarjedže Domowiny matej so hnydom městnje přeložowarjow za komunalny serwisowy běrow wobsadzić. Nimo toho je tam městno kubłanskeho referenta za młodžinu swobodne. Dokładne wopisanje tutech džělowych městnow nańdu za-jimcy na internetowej stronje www.domowina.de pod rubriku aktualnosće. Swoje pisomne požadanske podložki měli hač do pjatka, 26. julija, zapodać pola Domowiny – Zwjazka Łužiskich Serbow z.t., Póstowe naměsto 2, 02625 Budyšin abo z mailku na sekretariat@domowina.de. Štóž ma prašenja, njech zazwoni na zarjad Domowiny, telefonowe čisło (0 35 91) 55 01 02.

Znowa Gig-festiwal w Róžeńće

W Róžeńće wotměje so wot pjatka do njedzele, 26. do 28. julija, Gig-festiwal. Wón zahaji so pjatk we 18 hodź. z Božej mšu w hnadownej cyrkwi. W 21 hodź. pokaza so film wo stawiznach Róžanta.

Sobotu dopołdnja runje tak kaž po wobjedže budu wšelake workshopy. To budu na přikład nazwučowanje irskeje reje, rozprawy wo duchownych powołanjach, nazwučowanje spěwa z gospelowym chórom, paslenje róžowca a předstajenje Joe Realija. W 16.00 hodź. přizamknje so nyšpor z cistercienskimi klóštra Marijineje hwězdy. Koncert ze wšelakimi mjezynarodnymi skupinami budže wot 16.30 hodź. Mjez nimi budže popowa skupina I AM z Irskeje runje tak kaž raper Dominik Herberhold z Němskeje, Edwin Fawcett a gospelowy chór z Jendźelskeje. Za kóždoho budže něšto pódla – pop, soul, rap a folk kaž tež kabaret, zdžělichu zarjadowarjo. W 23.30 hodź. wotměje so procesion ze swěčkami do cyrkwy.

Swjatočna Boža mša budže njedzeli, 28. julija, w 10 hodź., kotraž je tón dzeń jenička njedzelnja Boža mša na hnadownym městnje. Po njej wudželi nowoměšnik Pětr Mróz primicne požohnowanje. Kemšam přizamknje so koncert gospeloweho chóra a skupiny I AM. W 14.00 hodź. budže podijowa diskusija z třomi měšnikami wo temje „Bóh a naš swět“. Po wječeri slěduje w 19.00 hodź. eucharistiski nyšpor w cyrkwi. Z diskoteku wot 20.30 hodź. na dworje so Gig-festiwal zakónči. Wšitcy – młodostni runje tak kaž starši a swójby z džěćimi – su wutrobnje do Róžanta přeprošeni. Nadrobny program je w interneće pod www.gigfestival.de wozjewjeny.

„Žiwjenju křidła dać“

Dom biskopa Bena w Smochćicach přeprošuje wšitkich, kotřiž sami bydla, wot soboty do njedzele, 31. awgusta, do 1. septembra, na zhromadnej dnjej z druhimi singlemi. Pod hesłom „Žiwjenju křidła dać“ poskića so wšelake temowe koła a zhromadne akcije. Nadrobniše informacije dóstanu zajimcy pola Ansgara Hoffmanna, telefonowe čisło (03 59 35) 2 23 17 abo w interneće pod www.benno-haus.de.

Městno za dobrowólne socialne lěto swobodne

Smochčanski Dom biskopa Bena pyta k 1. septembrej młodych ludźi mjez 18 a 26 lětami, kotřiž maja zajim, dobrowólne socialne lěto přewjesć. Swoje nadawki změja woni přewažnje na pastoralnym a pedagogiskim polu. Tak móža wuspytać, do kotreho powołanskeho směra móhło za nich pozdžišo hić. Nadrobne wupisanje nańdu zajimcy na internetowej stronje www.benno-haus.de. Štóž ma prašenja, njech wobroći so na Ansgara Hoffmanna, telefonowe čisło (03 59 35) 2 23 17.

Pytaja tola dale za wotnajerjom

W klóštrje Marijinej hwězdze w Pancicach-Kukowje wjeselachu so, zo su po pjeć měsacy trajacym pytanju wotnajerja za hosćenc „Klóšterska stwička“ namakali. Planowane bě, zo móža tam wot tuteje soboty, 13. julija, zaso hosći witać kaž to klóšter kónc junija na swojej internetowej stronje wozjewi. Tele dny pak na samsnym městnje steji, zo je wotnajer swój angažement zaso cofnyć dyrbjal a zo tuž dale za nowym pytaja. Zajimcy měli so w klóštrje přizjewić, telefonowe čisło (03 57 96) 9 94 31 abo z mailku na cellerarin@marienstern.de.